



**SEKTOR ZA CARINE**

03/1 Broj: 18-695//07

Datum: 15.02.2007.godine

**Svim REGIONALNIM CENTRIMA  
ODSJEK ZA CARINE  
- Hitno-**

**PREDMET: Objašnjenje o provođenju postupka tarifnih kvota**

U cilju pravilnog i jednoobraznog postupanja nadležnih organizacionih jedinica ove Uprave u provođenju postupka - slobodan promet sa krajnjom upotrebom( tarifne kvote) za robu iz rednog broja 1, 2, 3 i 4 Tarifnog aneksa-tarifne kvote (Glava 2.) - Meso i jestivi klaonični proizvodi i rednog broja 3, 5, 7, 9, 11 i 13 Tarifnog aneksa-tarifne kvote (Glava 87.) - Vozila, osim šinskih vozila i njihovi dijelovi i pribor, utvrđene Odlukom o usaglašavanju i utvrđivanju Carinske tarife BiH ("Službeni glasnik BiH", broj 1/07), dajemo sljedeće objašnjenje:

Postupak stavljanja robe u slobodan promet na račun njene krajnje upotrebe je reguliran Odlukom o usaglašavanju i utvrđivanju Carinske tarife BiH (Tarifni aneks) - tarifne kvote ("Službeni glasnik BiH", broj 91/05 i 1/07), odredbama člana 18. Zakona o carinskoj politici BiH ("Službeni glasnik BiH", broj 57/04 i 51/06), odredbama člana 198-209 Odluke o provedbenim propisima Zakona o carinskoj politici BiH ("Službeni glasnik BiH", broj 63a/04 i 60/06), Odlukom o utvrđivanju omjera za otkup domaće primarne proizvodnje za koje se veže korištenje tarifnih kvota ("Službeni glasnik BiH", broj 92/05 i 62/06), Odlukom o uslovima koje moraju ispunjavati objekti za klanje životinja, obradu, preradu, uskladištenje proizvoda životinjskog porijekla ("Službeni glasnik BiH", broj:27/05) i Uputstvom o postupku stavljanja robe u slobodan promet na račun njene krajnje upotrebe ("Službeni glasnik BiH", broj 74/06).

U Carinskoj tarifi BiH, koja je sastavni dio Odluke o usaglašavanju i utvrđivanju carinske tarife BiH za 2007. godinu utvrđene su sljedeće količine tarifnih kvota za meso: 1.273 tone za tarifnu oznaku 0202 30 90 00, 652 tone za tarifnu oznaku 0203 19 15 00, 450 tona za tarifnu oznaku 0203 22 19 00 i 2.268 tona za tarifnu oznaku ex0207 14 10 20 i za automobile - 2000 komada za tarifne oznake ex8703 21 10 10, ex8703 21 10 20, ex8703 22 10 10, ex8703 22 10 20, ex8703 23 19 10, ex8703 23 19 20, ex8703 24 10 10, ex8703 24 10 20, ex8703 31 10 10, ex8703 31 10 20, ex8703 32 19 10, ex8703 32 19 20, ex8703 33 19 10 i ex8703 33 19 20.

Lice koje je zainteresirano da koristi tarifne kvote u 2007. godini potrebno je da podnese zahtjev za izdavanje odobrenje za postupak krajnje upotrebe, Grupi za procedure nadležnog regionalnog centra (prema sjedištu podnosioca zahtjeva), na obrascu Priloga 43. Odluke o provedbenim propisima Zakona o carinskoj politici BiH, na način propisan u članu 4. Uputstva o postupku stavljanja robe u slobodan promet na račun njene krajnje upotrebe.

Izuzetak je podnošenje zahtjeva pomoću carinske prijave, uz uslove propisane u članu 5. Uputstva o postupku stavljanja robe u slobodan promet na račun njene krajnje upotrebe.

Obzirom da se tarifne kvote utvrđuju na godišnjem nivou, potrebno je da se zahtjev za izdavanje odobrenja odnosi na količinu robe koje podnosilac zahtjeva namjerava uvesti po osnovu tarifne kvote u godini za koju je kvota propisana. To su procijenjene količine, s tim da može biti odstupanja od tih količina, pa u slučaju potrebe, moguće su i dopune ili izmjene odobrenja. Ukoliko zahtjev nije podnesen u tom pravcu, treba podnosioca o prednjem upoznati i eventualno zatražiti uređenje zahtjeva.

Prilikom rješavanja po zahtjevima za izdavanja odobrenja potrebno je obratiti pažnju na utvrđivanje podataka o raspoloživim mesoprerađivačkim kapacitetima, posjedovanje rješenja, izdatog od nadležnog općinskog organa, o minimalnim tehničkim uslovima za obavljanje određene djelatnosti, upotrebnu dozvolu za zahtijevane kapacitete, ispunjenost uslova propisanih Odlukom o uslovima koje moraju ispunjavati objekti za klanje životinja, obradu, preradu, uskladištenje proizvoda životinjskog porijekla i ostale potrebne dokumentacije. Posebno treba obratiti pažnju na ispunjenost uslova propisanih članom 200.stav 1.pod (b) Odluke o provedbenim propisima Zakona o carinskoj politici BiH i članom 6.Uputstva o postupku stavljanja robe u slobodan promet na račun njene krajnje upotrebe, kao i svih ostalih propisanih uslova.

Kako sadržaj obrasca odobrenja za krajnju upotrebu/tarifne kvote iz Priloga 43. pruža mogućnost da se u isti unesu (u polje 16. obrasca odobrenja - Dodatne informacije) i dodatne odredbe, odnosno informacije koje je neophodno u pogledu takvog postupka unijeti u odobrenje (npr.dodatne obaveze, ograničenja i sl.), u odobrenje treba unijeti sve potrebne podatke.

Ne znači da će imaću odobrenje za tarifnu kvotu biti i dodijeljena tarifna kvota prilikom podnošenja carinske prijave, iz razloga što se dodjela tarifne kvote vrši na osnovu raspoloživog bilansa tarifne kvote na dan prihvatanja predmetne carinske prijave, neovisno od činjenice da po odobrenju za tarifnu kvotu nije na dan prihvatanja predmetne carinske prijave iscrpljena sva količina robe navedena u odobrenju. Radi toga, bilo bi neophodno, bez obzira što to i proizlazi iz odredaba člana 208. i 209. Odluke, da se u odobrenju (u polju 16), s pozivom na te odredbe, navede da će se dodjela, odnosno povlačenje zahtijevane tarifne kvote vršiti s obzirom na raspoloživu količinu tarifne kvote u momentu prihvatanja carinske prijave.

Grupa za procedure koja izda odobrenje, primjerak istog i sve podatke o izmjeni, dopuni, ukidanju ili poništavanju odobrenja, između ostalih dostavlja i Odsjeku za kontrolu i Odsjeku za tarifu i vrijednost.

Kada korisnik kvote pribaviti takvo odobrenje od nadležnog regionalnog centra za ovu godinu, tek tada može podnijeti carinsku prijavu za stavljanje robe u slobodan promet na račun krajnje upotrebe/tarifne kvote (JCI IM4), kojom se zahtijeva dodijela tarifne kvote za prijavljenu količinu.

Obzirom da je korištenje tarifnih kvota vezano i za druge uslove, između ostalog i otkup domaće robe (u propisanoj količini naspram količine koja je prijavljena prema odnosnoj carinskoj prijavi) i garancije za pokriće duga na osnovu indirektnih poreza, ti uslovi se ne mogu cijeliti prilikom izdavanja odobrenja jer se u tom momentu roba ne stavlja u krajnju upotrebu/tarifnu kvotu, već će ispunjenost istih cijeliti carinska ispostava kojoj je, prema odobrenju, podnijeta carinska prijava za stavljanje robe u krajnju upotrebu/tarifne kvote u momentu podnošenja te prijave, na šta bi trebalo ukazati u samom odobrenju.

Imalac odobrenja uz carinsku prijavu, kojom zahtijeva korištenje tarifne kvote za meso, potrebno je da priloži sljedeća dokumenta :

- Izjavu da je imalac odobrenja izvršio odgovarajući otkup domaće primarne proizvodnje u periodu u kojem se koriste tarifne kvote ( otkup u 2007. godini),tj. da je prije podnošenja carinske prijave već izvršio potrebni otkup u omjerima predviđenim Odlukom o utvrđivanju omjera za otkup domaće primarne proizvodnje za koje se veže korištenje tarifnih kvota. U izjavi je potrebno navesti nazive domaćih proizvođača primarne proizvodnje,od kojih je izvršen otkup, vrstu otkupljenih proizvoda (trgovački/tehnički opis robe i naimenovanje robe), otkupljenu količinu, vrijednost robe(prema izdatoj fakturi ili otkupnom bloku), potrebni omjer za tu vrstu robe i sve ostale podatke koji su vezani za ovu izjavu.

Uz izjavu je potrebno priložiti otkupne blokove ili fakture/račune koje dokazuju izvršeni otkup i dokaz o žiralnoj uplati po istim.

- Dokaz statusa "domaćeg primarnog proizvođača" - za fizičko lice, dokaz prebivališta u BiH (kopija lične karte, pasoša) i podatke o adresi prebivališta, za pravno lice ili udruženje da ima registrirano sjedište u BiH i registriranu adekvatnu djelatnost(izvod iz sudskog registra i porezni broj);
- Dokaz da otkupljena roba ima "BH porijeklo"- S obzirom da program obilježavanja životinja još je u toku i da sva grla u BiH nisu obilježena, kao vjerodostojna dokumentacija o porijeklu životinja osim identifikacijskih oznaka ( ušne markice, tetovir ili žig) kao i pasoša, a sve u skladu sa članom 3. stav 2. i 3. Odluke o utvrđivanju omjera za otkup domaće primarne proizvodnje za koje se veže korištenje tarifnih kvota, može se prihvatiti i svjedodžba o zdravstvenom stanju pošiljke, izdana u skladu sa Odlukom o veterinarskoj svjedodžbi o zdravstvenom stanju životinja i pošiljaka životinjskog porijekla u unutrašnjem i međunarodnom prometu ("Službeni glasnik BiH", broj 33/03 i 14/04) ili drugi dokument propisan od Agencije za označavanje životinja Ureda za veterinarstvo BiH i dokumentacijom koja prema propisima BiH mora pratiti promet ovih proizvoda, a na osnovu kojeg se može utvrditi da je roba "BH porijekla". Za pileće iskošteno meso može se prihvatiti i izjava prodavca na računu za isporučenu robu da su u proizvodnji korišteni materijali iz glave 1. i 2. Carinske tarife BiH cjelovito dobijeni u BiH ili izjava istog sadržaja, od ovlaštenog veterinara na potvrdi/uvjerenju o zdravstvenom stanju pošiljke.
- Bankarsku garanciju za obezbjeđenje plaćanja svih uvoznih dažbina u punom iznosu.

Prijemni carinski ured, odmah, po prijemu carinske prijave vezane za ovaj carinski postupak, treba da provjeri kod Odsjeka za tarifu i vrijednost stanje raspoložive količine tarifne kvote i postupi na način propisan aktom Sektora za carine 03/1 Broj: 18-35-838/06 od 25.09.2006. godine, s tim da će se na ovaj način upravljati tarifnim kvotama dok se tarifne kvote ne budu vodile putem jedinstvenog informacionog sistema Uprave, o čemu će učesnici ovog postupka biti blagovremeno obaviješteni.

Garancija poslovne banke radi obezbjeđenja plaćanja svih uvoznih dažbina polaže se u svim slučajevima u punom iznosu carinskih i poreznih dažbina.

Nakon prihvatanja carinske prijave na osnovu tarifnih kvota, u polju 44 iste, treba upisati broj i datum odobrenja za tarifnu kvotu izdatog od regionalnog centra, što proizilazi i iz pravila za popunjavanje carinske prijave.

Carinske prijave za ovaj postupak, uz ispunjenost svih potrebnih uslova, se prihvataju do obima do kojeg bilans utvrđene tarifne kvote za tu vrstu robe to dozvoljava.

Nadzorna carinska ispostava vrši carinski nadzor i kontrolu stanja po predmetnoj carinskoj prijavi, shodno članu 13. i 14. Uputstva o postupku stavljanja robe u slobodan promet na račun njene krajnje upotrebe. Kopiju zapisnika o kontroli krajnje upotrebe, carinska ispostava putem nadležnog Odsjeka za carine, treba dostaviti Odsjeku za kontrolu.

Šef carinske ispostave odgovoran je za provođenje postupka tarifnih kvota (planira mjere carinskog nadzora, vršenja kontrole i ostale radnje bitne za pravilno provođenje postupka).

Odsjek za tarifu i vrijednost će upravljati utvrđenim količinama tarifnih kvota, tako što će voditi centralnu evidenciju o zahtijevanim i odobrenim količinama tarifnih kvota (po prihvaćenim carinskim prijavama), obavještavati učesnike u ovom postupku o raspoloživim količinama (na način utvrđen u predhodno navedenom dopisu Sektora za carine od 25.09.2006. godine, kako će se vršiti upravljanje tarifnim kvotama dok se ovi podaci ne budu vodili u elektronskoj formi), informirati učesnike ovog carinskog postupka o svim bitnim podacima vezanim za tarifne kvote i mjesečno izvještava Ministarstvo vanjske trgovine i ekonomskih odnosa BiH o korištenju tarifnih kvota. Potrebno je da sve organizacije jedinice ove Uprave, radi upravljanja tarifnim kvotama na osnovu tačnih podataka, dostave Odsjeku za tarifu i vrijednost podatke koje se odnose na upravljanje količinama tarifnim kvotama (izdata odobrenja, podatke o poništavanju carinske prijave po osnovu tarifnih kvota, konačna/pravosnažna rješenja o naknadnoj naplati - izmjena podataka, obavijesti o neiskorištenim količinama tarifne kvote koja se ne koristi i ostale bitne podatke za upravljanje količinama tarifnih kvota).

Kontrolni carinski organi mogu vršiti kontrolu postupka krajnje upotrebe - tarifne kvote i u toku trajanja odobrenog roka krajnje upotrebe, shodno članu 14. stav 3. Uputstva o postupku stavljanja robe u slobodan promet na račun njene krajnje upotrebe.

Završetak postupka krajnje upotrebe i nastanak carinskog duga se provode na način propisan u članu 15. i 16. Uputstva o postupku stavljanja robe u slobodan promet na račun njene krajnje upotrebe.

Ovim aktom stavlja se van snage akt Sektora za carine Broj: 03/1-18-41-1/07 od 05.01.2007. godine, obzirom da su se stekli uslovi za provođenje ovog postupka, pošto smo od Ministarstva vanjske trgovine i ekonomskih odnosa BiH dobili pojašnjenje vezano za primjenu Odluke o usaglašavanju i utvrđivanju Carinske tarife BiH ("Službeni glasnik BiH", broj: 1/07), čiju kopiju vam dostavljamo u prilogu ovog akta. Ističemo da je u navedenom aktu ministarstva, kod količine kvote za tarifne oznaku 0203 19 15 00 greškom upisan podatak 665, tačan podatak je 652 i kod pretposlednje tarifne oznake za automobile upisano je ex8703 23 19 10, a treba da stoji ex8703 33 19 10.

Sa predmetnim objašnjenjem neophodno je da odmah upoznate vaše organizacione jedinice, a putem njih, i ostale učesnike u carinskom postupku.

Prilog: kao u tekstu.

**Dostaviti:**

- Naslovu
- Ministarstvo vanjske trgovine i ekonomskih odnosa BiH
- 01/1
- 01/2
- 01/3
- 01/4
- 03/1
- 03/2
- 03/3
- 04
- 05
- 06 (www.uino.gov.ba)
- a/a

**POMOĆNIK DIREKTORA**

**BOGDAN NOVAKOVIĆ**